



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XLIII. S. Salvii Cluniacensis ordinis, monasterium, Prioratus titulo illustre, ad Scaldim fl. apud Valentianas Hannoniae vrbem.

urn:nbn:de:hbz:466:1-11261

CAPVT XLIII,

S. SALVII

*Cluniacensis ordinis, monasterium, Prioratus
titulo illustre, ad Scaldim fl. apud Valenti-
anas Hannoniæ urbem.*

Habet id nomen à S. Saluio Episcopo & martyre, ibidem cum socio S. Superio quiescente; quorum sacra ossa, feretro argenteo decenter inclusa, coram aliquando venerati sumus. Ceterum nefariè vterque interemptus est, anno septingentesimo nonagesimo octauo in arce vicina, quæ Breuiticum, vulgò Bruuaige dicitur. Quorum corpora Carolus Magnus Imperator, anno post tertio, adstante clero eleuauit, atque ex loco martyrij ad vicinam sancti Martini basilicam honorificè transtulit, quæ hodieque parœcialis eius loci est basilica. Adiecit eidem mox alteram basilicam in honorem SS. Apostolorum Petri & Pauli & S. Saluij in eaque Canonicos seculares sex, sub vnius Præpositi regimine, instituit, fisci Valentiani parte eidem assignatâ. Porrò beatus Bruno Coloniensis Archiepiscopus & Hannoniæ reformator, indulgit, vt emorientibus Canonicis, ad collegiatam S. Saluij basilicam benedictini (quos in basilica S. Gaugerici, tunc extramuros vrbs Valentianæ sita, Pipinus Maior

*An. 798.
teste Sig-
berto in
Chron.*

An. 801.

*Iac. Guis-
sianus in
Chronicis
Hannoniæ
lib. 14.*

N

domus

domus Aufrasiarum & postea Francorum Rex collocat & dotat) paulatim commigrarent.

Hæc ex manuscripta eius loci historia, à R.P. Theodorico Gisberto, Louaniensi, cœnobij huius Præfecto, conscripta, & Hannonicis Iacobi Guisiani Chronicis desumimus. Opera pretiū fuerit his adiungere, quæ Chronographus Cameracensis commemorat: Non procul à castro Valentianensi olim quidem sancti Martini Ecclesiola, nunc autem monasterium Canonicale in veneratione etiam S. Saluij Episcopi & martyris constat. Ipso namque tempore, sanctus Saluius totus supernæ patriæ inhians, causâ peregrinationis habenas reliquit Episcopij, profectusque peregrè prædicationi operam dare æstimauit. Igitur de loco ad locum procedens verbum Dei populo suggererat, & maximè celebrationibus Missarum instabat. Verum vbi ad ipsam viciniam deueniret ac quadam die de Valentianensi portu ad vicum Condatum transfret, à quodam pestifero, factis infidiis, captus, in custodia religatur, raptisque indumentis sacerdotalibus, & ornamentis Episcopalibus, quæ secum portauerat, obtruncatur. Sepultusque à viris religiosus in supradiçta sancti Martini Ecclesia, tunc ad præsens & postea multis præconizantibus miraculis, quanti & qualis meritæ extitisset, apparuit, vt plenissimè in libro suæ passionis reperitur. Vnde attonitus Princeps regionis Carlo-Martellus, pro salute animæ

de ipso

de ipso fisco Valentianensi, & de aliis rebus locum augmentavit, sumptumque stipendiarium deputans, Canonicos constituit. Ita *Chronographus Cameracensis*; qui tamen memoriam hinc lapsus videtur, dum Carolo Martello attribuit, quæ Carolo Magno erant adsignanda, ut patet ex Sigeberto in *Chronico*, & ijs quæ paullo antè diximus.

CAPVT XLIV.

VVerdenense monasterium, Germanicè VVerden, in d. Coloniensi.

VVerdena opidum est d. Coloniensis ad Ruram fluvium, in quo exstat illustris Abbatia monachorum Ordinis S. Benedicti à S. Hudgero primo Episcopo Monasteriensi, & Carolo Magno fundata: in qua, hodieque eiusdem S. Hudgeri sacrum corpus quiescit, de quo vide plura apud Ioannem Molanum in *Natalibus Sanctorum Belgij* 26. Martij. Abbas est Princeps Imperij liber, atque Imperatori immediatè subiectus; estque vnus ex quatuor Imperij Abbatibus, ut nuncupant.

Cæsaris VVerda est itidem d. Coloniensis opidum ad Rhenum fl. situm, in quo nobile est Collegium Canonorum, quod Sancti Suitberti Episcopi, qui Sancto VVil-